

- (3) Након успостављања електронског система, неопходну документацију у управном поступку за добијање аката о грађењу, која је већ доступна код органа управе, јавних предузећа, привредних друштава, комуналних предузећа, агенција и других институција, надлежни орган управе ће осигурати кориштењем електронског система.

Члан 81ф.

- (1) Инвеститор или овлаштено физичко или правно лице ће се прије подузимања било којих радњи обратити општинском, градском органу управе или кантоналном министарству просторног уређења за мишљење о грађењу или захвату у простору на предметној локацији на подручју те општине, града или кантона.
- (2) Уколико је мишљење органа управе из става (1) овог члана да је предметна градња или захват у простору у складу са просторнопланским документом, инвеститор или овлаштено физичко или правно лице врши даље радње за прикупљање докумената и израду инвестиционо-техничке документације.

Члан 81г.

- (1) Управни поступци за добијање аката о грађењу водиће се у папирној и/или електронској форми.
- (2) Влада Федерације Босне и Херцеговине донијет ће Уредбу којом се ближе уређује предмет и поступак исходавања е-дозвола и других аката у области грађења.
- (3) У циљу провођења електронског поступка размјене и обраде докумената и података, надлежни органи укључени у поступак прикупљају, обрађују и користе податке, укључујући и личне податке, воде евиденције и обезбјеђују заштиту података и евиденција, у складу са прописима о заштити личних података, те прописима о информацијској сигурности."

Члан 12.

Влада Федерације БиХ је дужна у року од три мјесеца од дана ступања на снагу овог Закона донијети Уредбу из члана 81г. став (2) Закона.

Члан 13.

Овај Закон ступа на снагу осмог дана од дана објављивања у "Службеним новинама Федерације БиХ".

Предсједавајући Представничког дома Парламента Федерације БиХ	Предсједавајући Дома народа Парламента Федерације БиХ
Драган Миоковић, с. р.	Томислав Мартиновић, с. р.

1585

Na osnovu člana IV.B.7. a)(IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O IZMJENAMA I DOPUNAMA ZAKONA O UPRAVLJANJU OTPADOM

Proglašava se Zakon o izmjenama i dopunama Zakona o upravljanju otpadom, koji je usvojio Parlament Federacije Bosne i Hercegovine na sjednici Predstavničkog doma od 04.09.2024. godine i na sjednici Doma naroda od 18.07.2024. godine.

Broj 01-02-1-399-01/24
10. septembra 2024. godine
Sarajevo

Predsjednica
Lidija Bradara, s. r.

**ZAKON
O IZMJENAMA I DOPUNAMA ZAKONA O
UPRAVLJANJU OTPADOM**

Члан 1.

U Zakonu o upravljanju otpadom ("Službene novine Federacije BiH", br. 33/03, 72/09 i 92/17, u daljnjem tekstu: Zakon) u članu 3. stav (3) riječ "Upravljanje" zamjenjuje se riječima: "Uvažavajući principe cirkularne ekonomije, upravljanje".

Члан 2.

U poglavlju II DEFINICIJE u članu 4. alineja 29. iza riječi "otpada", tačka zarez se zamjenjuje tačkom i dodaje se nova rečenica koja glasi:

"Centri mogu biti općinski, međuopćinski, gradski, međugradski, kantonalni, međukantonalni i regionalni;"

Члан 3.

Iza člana 33. dodaje se novi član 33a. koji glasi:

"Члан 33a.

- (1) Uvjeti za određivanje odlaganja otpada na deponije, način, postupci kontrole, praćenja i nadzor, kao i ostali tehnički uvjeti, uvjeti rada za deponije, način i uvjeti odlaganja otpada i način i uvjeti zatvaranja, propisat će se provedbenim propisom.
- (2) Odredbe propisa iz stava (1) ovog člana odnosit će se na sve vlasnike, odlagače, operatere, proizvođače i sva fizička i pravna lica koja u sklopu svoje djelatnosti vrše odlaganje otpada."

Члан 4.

U članu 49. iza stava (1) dodaje se novi stav (2) koji glasi:
"(2) Za posebne kategorije otpada za koje se naplaćuje naknada nadležan je Federalni tržišni inspektorat i Federalni urbanističko-ekološki inspektorat."

Dosadašnji st. (2), (3) i (4) postaju st. (3), (4) i (5).

Члан 5.

Члан 53. mijenja se i glasi:

"Члан 53.

- (1) Novčanom kaznom u iznosu od 10.000,00 KM do 20.000,00 KM kaznit će se za prekršaj svako pravno lice, a u ponovljenom prekršaju novčanom kaznom u iznosu od 15.000,00 KM do 25.000,00 KM ako:
- ne pribavi dozvolu za aktivnosti upravljanja otpadom (član 12.) ili krši uvjete propisane u dozvoli;
 - ne upravlja posebnom kategorijom otpada iz člana 18a. stav (2) ovog Zakona;
 - transportuje otpad tako da može izazvati zagađenje okoliša, suprotno odredbama člana 32. stav (1) ovog Zakona;
 - u slučaju zagađenja nastalog u toku transporta prevoznik ne obavi čišćenje i dovođenje u prvobitno stanje zagađenog područja suprotno odredbama člana 32. stav (2) ovog Zakona;
 - ne isporuči otpad na odredište koje je odredio pošiljalac, a koje je odobreno kao lokacija za upravljanje otpadom, suprotno odredbama člana 32. stav (3) ovog Zakona;
 - prevoznik u slučaju nemogućnosti isporuke na odredište ne vrati otpad pošiljaocu suprotno odredbama člana 32. stav (4) ovog Zakona;
 - transportuje otpad suprotno odredbi člana 32. stav (5) ovog Zakona;
 - odlaže otpad suprotno odredbi člana 33. ovog Zakona;
 - vrši prekogranični promet otpada suprotno članu 39. stav (3) ovog Zakona.

- (2) Za prekršaj iz stava (1) ovog člana kaznit će se i odgovorno lice u pravnom licu novčanom kaznom u iznosu od 2.000,00 KM do 4.000,00 KM, a u ponovljenom prekršaju novčanom kaznom u iznosu od 4.500,00 KM do 5.000,00 KM.
- (3) Za prekršaj iz stava (1) ovog člana kaznit će se lice koje obavlja samostalnu poslovnu djelatnost/obrt, novčanom kaznom u iznosu od 1.000,00 KM do 3.000,00 KM, a u ponovljenom prekršaju novčanom kaznom u iznosu od 4.000,00 KM do 6.000,00 KM.
- (4) Novčanom kaznom u iznosu od 5.000,00 KM do 10.000,00 KM kaznit će se za prekršaj svako pravno lice, a u ponovljenom prekršaju novčanom kaznom u iznosu od 10.000,00 KM do 15.000,00 KM ako:
- ne dostavi Fondu ili operateru sistema redovni godišnji izvještaj i ako dostavi nepotpun ili netačan izvještaj iz člana 18a. st. (3) i (4) ovog Zakona;
 - ne dostavlja podatke u informacijski sistem upravljanja otpadom iz člana 37a. ovog Zakona.
- (5) Za prekršaj iz stava (4) ovog člana kaznit će se i odgovorno lice u pravnom licu novčanom kaznom u iznosu od 1.000,00 KM do 2.000,00 KM, a u ponovljenom prekršaju novčanom kaznom u iznosu od 1.500,00 KM do 3.000,00 KM.
- (6) Novčanom kaznom u iznosu od 500,00 KM do 1.000,00 KM kaznit će se za prekršaj iz stava (4) ovog člana lice koje obavlja samostalnu poslovnu djelatnost/obrt, a u ponovljenom prekršaju novčanom kaznom u iznosu od 1.000,00 KM do 2.000,00 KM.
- (7) Novčanom kaznom u iznosu od 500,00 KM do 2.000,00 KM kaznit će se fizičko lice za prekršaj iz stava (1) ovog člana, a u ponovljenom prekršaju novčanom kaznom u iznosu od 3.000,00 KM do 5.000,00 KM."

Član 6.

U članu 58. iza stava (8) dodaje se novi stav (9) koji glasi:
"(9) Propis iz člana 33a. donijet će federalni ministar u roku od 12 mjeseci od dana stupanja na snagu ovog Zakona."
Dosadašnji st. (9) do (13) postaju st. (10) do (14).

Član 7.

Ovaj Zakon stupa na snagu osmog dana od dana objavljivanja u "Službenim novinama Federacije BiH".

Predsjedavajući Predstavničkog doma Parlamenta Federacije BiH Dragan Mioković, s. r.	Predsjedavajući Doma naroda Parlamenta Federacije BiH Tomislav Martinović, s. r.
--	--

Temeljem članka IV.B.7. a)(IV) Ustava Federacije Bosne i Hercegovine, donosim

UKAZ O PROGLAŠENJU ZAKONA O IZMJENAMA I DOPUNAMA ZAKONA O UPRAVLJANJU OTPADOM

Proglašava se Zakon o izmjenama i dopunama Zakona o upravljanju otpadom, koji je usvojio Parlament Federacije Bosne i Hercegovine na sjednici Zastupničkog doma od 4.9.2024. godine i na sjednici Doma naroda od 18.7.2024. godine.

Broj 01-02-1-399-01/24
10. rujna 2024. godine
Sarajevo

Predsjednica
Lidija Bradara, v. r.

ZAKON O IZMJENAMA I DOPUNAMA ZAKONA O UPRAVLJANJU OTPADOM

Članak 1.

U Zakonu o upravljanju otpadom ("Službene novine Federacije BiH", br. 33/03, 72/09 i 92/17, u daljnjem tekstu: Zakon) u članku 3. stavak (3) riječ "Upravljanje" zamjenjuje se riječima: "Uvažavajući principe cirkularne ekonomije, upravljanje".

Članak 2.

U poglavlju II DEFINICIJE u članku 4. alineja 29. iza riječi "otpada", točka zarez se zamjenjuje točkom i dodaje se nova rečenica koja glasi:

"Centri mogu biti općinski, međuopćinski, gradski, međugradski, kantonalni, međukantonalni i regionalni;"

Članak 3.

Iza članka 33. dodaje se novi članak 33a. koji glasi:

"Članak 33a.

- (1) Uvjeti za određivanje odlaganja otpada na deponije, način, postupci kontrole, praćenja i nadzor, kao i ostali tehnički uvjeti, uvjeti rada za deponije, način i uvjeti odlaganja otpada i način i uvjeti zatvaranja, propisat će se provedbenim propisom.
- (2) Odredbe propisa iz stavka (1) ovog članka odnosit će se na sve vlasnike, odlagače, operatere, proizvođače i sve fizičke i pravne osobe koje u sklopu svoje djelatnosti vrše odlaganje otpada."

Članak 4.

U članku 49. iza stavka (1) dodaje se novi stavak (2) koji glasi:

"(2) Za posebne kategorije otpada za koje se naplaćuje naknada nadležan je Federalni tržišni inspektorat i Federalni urbanističko-ekološki inspektorat."

Dosadašnji st. (2), (3) i (4) postaju st. (3), (4) i (5).

Članak 5.

Članak 53. mijenja se i glasi:

"Članak 53.

- (1) Novčanom kaznom u iznosu od 10.000,00 KM do 20.000,00 KM kaznit će se za prekršaj svaka pravna osoba, a u ponovljenom prekršaju novčanom kaznom u iznosu od 15.000,00 KM do 25.000,00 KM ako:
- ne pribavi dozvolu za aktivnosti upravljanja otpadom (članak 12.) ili krši uvjete propisane u dozvoli;
 - ne upravlja posebnom kategorijom otpada iz članka 18a. stavak (2) ovog Zakona;
 - transportira otpad tako da može izazvati zagađenje okoliša, suprotno odredbama članka 32. stavak (1) ovog Zakona;
 - u slučaju zagađenja nastalog u tijeku transporta prijevoznik ne obavi čišćenje i dovođenje u prvobitno stanje zagađenog područja suprotno odredbama članka 32. stavak (2) ovog Zakona;
 - ne isporuči otpad na odredište koje je odredio pošiljatelj, a koje je odobreno kao lokacija za upravljanje otpadom, suprotno odredbama članka 32. stavak (3) ovog Zakona;
 - prijevoznik u slučaju nemogućnosti isporuke na odredište ne vrati otpad pošiljatelju suprotno odredbama članka 32. stavak (4) ovog Zakona;
 - transportira otpad suprotno odredbi članka 32. stavak (5) ovog Zakona;
 - odlaže otpad suprotno odredbi članka 33. ovog Zakona;